

ISLAMSKA ZAJEDNICA U BOSNI I HERCEGOVINI
JU ELČI IBRAHIM-PAŠINA MEDRESA U TRAVNIKU

P R A V I L N I K
o kućnom redu u Elči Ibrahim-pašinoj medresi u Travniku

Travnik, 11.02.2022.

Na osnovu člana 23. stav 1. Pravila Elči Ibrahim-pašine medrese Upravni odbor Medrese je na 13. redovnoj sjednici 11.02. 2022. godine, donio:

P R A V I L N I K **o kućnom redu u Elči Ibrahim-pašinoj medresi**

Član 1.

(Predmet i sadržaj Pravilnika)

- (1) Ovim Pravilnikom propisuju se prava i obaveze učenika u toku nastave i boravka u internatu, uslovi i način života, rada i ponašanja u školskim prostorima, kao i principi ponašanja na javnim mjestima;
- (2) Opći princip ponašanja učenika treba biti u skladu sa islamskim normama i vrijednostima.

Član 2.

(Sadržaj Pravilnika)

- (1) Pravilnik posebno propisuje:
 - a) Prava i obaveze učenika u toku nastave,
 - b) Obavljanje namaza,
 - c) Korepeticije - zajedničko učenje,
 - d) Ishrana učenika,
 - e) Vannastavne aktivnosti,
 - f) Slobodno vrijeme,
 - g) Održavanje čistoće,
 - h) Odjeća i obuća,
 - i) Vikendi i izlasci,
 - j) Odnos prema imovini,
 - k) Međusobni odnosi učenika i odnosi prema zaposlenicima i gostima,
 - l) Posebne odredbe o kućnom redu u internatu,
 - m) Materijalna i disciplinska odgovornost,
 - n) Prijelazne i završne odredbe.

Član 3.

(Definicije)

- (1) JU Elči Ibrahim-pašina medresa u Travniku (u dalnjem tekstu Medresa) je odgojno-obrazovna ustanova; Medresa je škola s učeničkim domom (u dalnjem tekstu: internat);
- (2) Internat ima muški i ženski dio;
- (3) Učenici i učenice u pravilu borave u internatu;
- (4) Izuzetak su učenici i učenice sa prebivalištem u Travniku i bližim općinama, čiji su roditelji tražili i dobili odobrenje od direktora Škole da pohađaju nastavu dolazeći od kuće, uz uslov da kućni ambijent odgovara ambijentu u internatu (vanjski učenici);

- (5) Učenici i učenice su raspoređeni u odjeljenja i odgojne grupe, tako da jedno odjeljenje čini jednu odgojnu grupu;
- (6) Izražavanje u jednom gramatičkom rodu uključuje oba roda.

I - PRAVA I OBAVEZE UČENIKA U TOKU NASTAVE

Član 4. (Prisustvo nastavi)

Učenici su obavezni redovno prisustvovati nastavi i izvršavati školske obaveze.

Član 5. (Nastava)

- (1) Nastava za učenike se izvodi u petodnevnoj nastavnoj sedmici u skladu sa rasporedom časova, koji usvaja Nastavničko vijeće na početku školske godine;
- (2) Učenici su obavezni imati propisane udžbenike i pribor za nastavu;
- (3) Učenici su obavezni biti na nastavi u propisanoj uniformi od strane rukovodstva Škole;
- (4) Nastava počinje u 7:30 h, a završava u 12:35 h;
- (5) Nastavni čas traje 45 minuta;
- (6) Početak i kraj časa se oglašava školskim zvonom;
- (7) Na znak školskog zvona učenici su obavezni ući u učionicu i sjesti na svoje mjesto do dolaska profesora;
- (8) Učenicima je zabranjeno naginjanje kroz prozore, kao i svako ponašanje koje ometa i ugrožava ličnu sigurnost i sigurnost prolaznika, te narušava ugled škole.

Član 6. (Odmori)

- (1) Mali odmor između časova traje 5 minuta;
- (2) Veliki odmor je poslije trećeg časa i traje 15 minuta;
- (3) Učenici trebaju iskoristiti odmore kako bi se pripremili za naredni čas;
- (4) U toku malog odmora učenici ne smiju izlaziti iz zgrade bez dozvole dežurnog profesora;
- (5) U toku odmora učenici ne smiju stvarati buku i galamu;
- (6) Na znak školskog zvona obavezni su ući u učionicu i sjesti na svoje mjesto do dolaska profesora;
- (7) Pri ulasku u učionicu profesora, odagajatelja, rukovodioca ili gostiju učenici su obavezni ustati i pozdraviti ih;
- (8) Redari su obavezni pripremiti učionicu za čas, obrisati tablu, obezbjediti kredu, očistiti i provjetriti učionicu, informisati profesora o odsutnim učenicima, kao i o nedostacima u učionici.

Član 7.
(Odsustvo profesora)

- (1) U slučaju odsustva profesora, učenici su u toku časa obavezni biti u učionici i uspostaviti korepeticiju, pod nadzorom dežurnog odgajatelja;
- (2) Za održavanje reda u učionici zadužen je predsjednik odjeljenjske zajednice;
- (3) Izuzetak iz stava 1. je kada učenici nemaju zadnji čas gdje će dežurni odgajatelj po procjeni dozvoliti učenicima odlazak u internat.

Član 8.
(Korištenje mobitela na času)

- (1) Zabranjeno je držanje i korištenje mobitela i drugih sličnih uređaja na času;
- (2) Učenik koji unese mobitel u učionicu obavezan je odložiti ga u ormarić ili drugo određeno mjesto, namijenjeno za čuvanje mobitela u vrijeme nastave;
- (3) Učeniku koji ne postupi u skladu sa odredbom stava 1. i 2. ovog člana izreći će mu se odgovarajuća odgojno - disciplinska mjera propisana normativima Škole.

Član 9.
(Bolesni učenici)

- (1) Učenici koji zbog bolesti nisu sposobni prisustvovati nastavi obavezni su, prije početka nastave, javiti se dežurnom odgajatelju za odlazak ljekaru na pregled. Učenik neće biti pušten ljekaru dok i njegov roditelj ne pozove dežurnog odgajatelja. Dežurni odgajatelj će nakon toga izdati učeniku potvrdu s kojom može ići ljekaru;
- (2) Učenik je, poslije posjete ljekaru, obavezan javiti se dežurnom odgajatelju i dostaviti mu potvrdu ljekara na osnovu koje će dežurni odgajatelj evidentirati odsustvo sa nastave u knjizi dežure;
- (3) Ukoliko se učenik razbolio kod kuće, roditelj je obavezan bolest prijaviti razredniku. Razrednik može odobriti odsustvo sa nastave, uz obavezu učenika da bolest naknadno opravda potvrdom ljekara. Razrednik će o tome obavijestiti i dežurnog odgajatelja;
- (4) Bolesne učenike, koji sami ne mogu ići ljekaru, dežurni odgajatelj će odvesti u zdravstvenu ustanovu (dom zdravlja, bolnica) i o tome će obavijestiti i roditelja. Odobrenje za kućno liječenje daje razrednik po preporuci ljekara;
- (5) Ukoliko se u noćnoj smjeni desi hitan slučaj, dežurni odgajatelj će odvesti učenika u dom zdravlja (ili pozvati hitnu), zadužiti starijeg savjesnog učenika da pripazi na internat, zaključati isti i ključ ostaviti kod portira;
- (6) Roditelji vanjskog učenika, koji zbog bolesti nije sposoban prisustvovati nastavi, obavezni su to, prije početka nastave, prijaviti dežurnom odgajatelju. Vanjski učenik je obavezan, po dolasku u školu, opravdati odsustvo potvrdom ljekara.

Član 10.
(Odobrenje za odsustvo sa nastave)

- (1) Razrednik može, iz opravdanih razloga i uz konsultacije sa roditeljima, odobriti učeniku odsustvo sa nastave do jednog dana;
- (2) Odsustvo sa nastave do sedam dana odobrava direktor uz pismeni zahtjev roditelja učenika;
- (3) Nastavničko vijeće, na pismeni obrazložen zahtjev roditelja, može odobriti učeniku odsustvo sa nastave preko sedam dana.

II - OBAVLJANJE NAMAZA

Član 11.
(Namaz)

- (1) Učenici su obavezni obavljati namaze u džematu uz nadzor odgajatelja;
- (2) Džumu-namaz učenici obavljaju uz nadzor odgajatelja u mesdžidu u holu Medrese;
- (3) Učenice obavljaju namaze uz nadzor odgajateljica u dnevnom boravku;
- (4) Vanjski učenici su obavezni obavljati podne i džumu-namaz u mesdžidu hola Medrese;
- (5) Odgajatelji i odgajateljice su obavezni voditi evidenciju prisustva učenika i učenica na namazima;
- (6) Namazi se obavljaju u vremenu određenom rasporedom dnevnih aktivnosti;
- (7) Učenici su obavezni, prije stupanja na namaz, uzeti abdest, te obući čistu i pristojnu odjeću za namaz;
- (8) Početak priprema za namaz oglašava se školskim zvonom prije ezana, a u zgradi ženskog odjeljenja učenjem ezana preko školskog razгласa ili na način kako odredi Aktiv odgajateljica;
- (9) U vrijeme odobrenih izlazaka u grad učenici su obavezni obavljati namaz;
- (10) Učeniku koji, bez opravdanog razloga, ne obavlja namaz kako je prethodno propisano izriču se odgojno-disciplinske mjere propisane Pravilima Elči Ibrahim-pašine medrese

III- KOREPETICIJE - ZAJEDNIČKO UČENJE

Član 12.
(Prisustvo korepeticiji)

Učenici koji borave u internatu obavezni su redovno prisustvovati korepeticiji, u cilju savladavanja nastavnog gradiva i postizanja boljeg uspjeha.

Član 13.
(Korepeticija)

- (1) Korepeticija se izvodi dva puta dnevno u učionici odjeljenja;
- (2) Korepeticije se izvode prema rasporedu, koji utvrđuje pomoćnik direktora za internat u zavisnosti od namaskog vremena;
- (3) Početak i kraj korepeticije se oglašava školskim zvonom;

- (4) Prva korepeticija počinje učenjem Kur'ana preko školskog razglosa;
- (5) Evidenciju prisustva korepeticiji vodi dežurni odgajatelj;
- (6) Za održavanje reda u učionici tokom korepeticije zadužen je korepetitor kojeg određuje odgajatelj.

Član 14.

(Zloupotreba mobitela na korepeticiji)

- (1) Zabranjena je zloupotreba mobitela i drugih uređaja, koji nisu u funkciji učenja za vrijeme korepeticije;
- (2) Učeniku koji ne postupi u skladu sa odredbom stava (1) ovog člana izreći će se odgovarajuća odgojno-disciplinska mjera propisana normativima Škole.

Član 15.

(Odobrenje za odsustvo sa korepeticije)

- (1) Iz opravdanih razloga dežurni ili razredni odgajatelj može odobriti učeniku odsustvo sa korepeticije;
- (2) Učenicima koji uče hifz pomoćnik direktora za internat može, uz mišljenje muhafiza, odobriti mogućnost učenja u sobi.

IV - ISHRANA UČENIKA

Član 16.

(Ishrana)

- (1) Učenici koji borave u internatu i hrane se u restoranu Škole imaju obavezu uplate mjesecne novčane naknade, čiju visini utvrđuje Upravni odbor svojom odlukom;
- (2) Ishrana učenika podrazumijeva doručak, ručak i večeru;
- (3) Vanjski učenici ručaju u restoranu, uz obavezu uplate mjesecne novčane nadoknade na blagajni, čiju visinu utvrđuje Upravni odbor.

Član 17.

(Vrijeme obroka)

Vrijeme obroka:

- a) Doručak za djevojke od 6:15 h do 6:45 h, prestanak dijeljenja doručka u 6:40 h;
Doručak za muškarce od 6:50 h do 7:20 h, prestanak dijeljenja doručka u 7:15 h
(doručak subotom i nedjeljom je od 8:00 h do 8:25 h za djevojke, i od 8:30 h do 8:50 h za muškarce)
- b) Ručak za djevojke od 12:35 do 13:15 sati,
Ručak za muškarce od 13:20 do 14:00 sati,
- c) Večera za djevojke od 17:45 do 18:30 sati.
Večera za muškarce od 18:30 do 19:00 sati.

Član 18.
(Ponašanje tokom obroka)

- (1) Učenici ulaze u restoran po odobrenju dežurnog odgajatelja u redu jedan iza drugog;
- (2) Prije jela učenici su obavezni oprati ruke, a poslije jela proučiti dovu;
- (3) Pri dolasku na liniju za hranu uzimaju poslužavnik i pribor za jelo, te od kuvara primaju hranu, vodeći računa da ne uzimaju više hrane od onoga koliko mogu pojesti kako se hrana ne bi bacala;
- (4) Učenici su obavezni pristojno se obući i disciplinovano ponašati za vrijeme obroka;
- (5) Uočeni nedostatak u hrani ili na priboru za jelo učenik je obavezan prijaviti dežurnom odgajatelju;
- (6) Po završetku obroka učenici su obavezni vratiti stolicu za sto, a poslužavnik sa priborom za jelo na šalter za pranje suđa i poslije pranja ruku napustiti restoran;
- (7) Strogo je zabranjeno iznošenje hrane, posuđa i pribora za jelo iz restorana;
- (8) Nadzor nad primjenom odredbi ovog člana vrše dežurni odgajatelji;
- (9) Učeniku koji se ponaša suprotno pravilima ponašanja u restoranu izriče se odgovarajuća odgojno-disciplinska mjera propisana Pravilima medrese.

V - VANNASTAVNE AKTIVNOSTI

Član 19.
(Vannastavne aktivnosti)

- (1) Vannastavne aktivnosti predstavljaju jedan od programskih sadržaja i obuhvataju rad u sekcijama, redakciji lista Nedžm, Vijeću učenika i drugim vannastavnim aktivnostima utvrđenim Godišnjim programom rada;
- (2) Vannastavne aktivnosti se održavaju od 13:45 h pa do 16:00 h prema utvrđenom sedmičnom rasporedu;
- (3) Raspored vannastavnih aktivnosti odobrava i prati pomoćnik direktora za nastavu.

Član 20.
(Evidencija vannastavnih aktivnosti)

- (1) Učenici se na početku školske godine, prema sklonostima, opredjeljuju za učešće u radu sekcija i drugih vannastavnih aktivnosti, o čemu se u odjeljenjskoj knjizi vodi evidencija;
- (2) Evidenciju o učenicima uključenim u vannastavne aktivnosti vodi razrednik u odjeljenjskoj knjizi, a o radu u sekciji, voditelj sekcije u knjizi slobodnih aktivnosti;
- (3) Učenici koji su se prijavili za rad u vananstavnim aktivnostima obavezni su redovno prisustvovati časovima.

Član 21.
(Raspored vannastavnih aktivnosti)

- (1) Vananstavne aktivnosti se izvode poslije nastave po rasporedu koji ne remeti obavezne vidove odgojnog rada sa učenicima (korepeticija, namazi i dr.);
- (2) Voditelji sekcija su obvezni na početku školske godine usaglasiti raspored vannastavnih aktivnosti sa odgojnom službom.

VI - SLOBODNO VRIJEME

Član 22. (Slobodno vrijeme)

- (1) Slobodno vrijeme učenika utvrđuje se rasporedom dnevnih aktivnosti;
- (2) Slobodno vrijeme učenici mogu koristiti za odmor, sportsko-rekreativne aktivnosti, čitanje, gledanje televizije, korištenje interneta i druge korisne aktivnosti koje nisu predviđene obaveznim vidovima odgojno-obrazovnog rada;
- (3) Za realizaciju slobodnog vremena učenici mogu koristiti društvene prostorije, sportsku salu, teretanu, kabinet informatike i druge prikladne prostorije;
- (4) Raspored korištenje sportske sale i teretane utvrđuje Pedagoško vijeće.

VII - ODRŽAVANJE ČISTOĆE

Član 23. (Čistoća)

- (1) Učenici su obvezni svakodnevno održavati čistoću tijela, odjeće, obuće, kao i prostorija u kojima rade, borave i koje koriste, u cilju zaštite vlastitog i zdravlja drugih učenika;
- (2) Učenici moraju imati čistu i uredno ošišanu kosu;
- (3) Učenici se ne mogu šišati načelavo, osim uz odobrenja odjeljenjskog odgajatelja ili razrednika;
- (4) Učenici su obavezni održavati čistom i urednom odjeću i obuću;
- (5) Učenice imaju pravo na korištenje vešeraja za pranje veša po rasporedu i na način koji utvrđuje odgajateljska služba;
- (6) U sobama, učionicama, biblioteci, čitaonici, društvenim prostorijama i sportskoj sali zabranjeno je ostavljanje otpadaka od hrane i drugih stvari koje ugrožavaju zdravstveno - higijenske uvjete, za šta su odgovorni sobni starješina i redari;
- (7) Nadzor nad provođenjem odredbi ovog člana vrše dežurni odgajatelji.

VIII - ODJEĆA I OBUĆA

Član 24. (Odjeća i obuća)

- (1) Učenici su obavezni odijevati se u skladu sa islamskim propisima;

- (2) Učenici ne mogu nositi maskirne uniforme, tijesnu, pocijepanu, izlizanu i ekstravagantnu odjeću;
- (3) Učenice ne mogu nositi maskirnu, usku, kratku, tijesnu, prozirnu i dekoltiranu odjeću niti imati duge i lakirane nokte;
- (4) Učenici i učenice moraju biti pristojno odjeveni u restoranu tokom obroka i slobodnih aktivnosti, a za časove sporta moraju imati adekvatnu sportsku opremu;
- (5) Učenici ne mogu nositi kačket, zastave niti odjeću sa obilježjima koja pripadaju nekoj ekstremnoj grupi;
- (6) Učenici i učenice moraju imati obuću za izlaska van internata, kao i par papuča koje koriste u spavaonici;
- (7) Odjeću i obuću koju ne nose moraju uredno odlagati i držati u ormarićima predviđenim za tu namjenu;
- (8) Nadzor nad provođenjem odredbi ovog člana vrše dežurni odgajatelji.

IX - IZLACI I VIKENDI

Član 25. (Izlasci)

- (1) Učenici imaju pravo na izlaska u grad subotom i nedjeljom u vremenu od 14:00 h do 18:00 h, a radnim danima po rasporedu dnevnih aktivnosti, osim u slučaju proglašavanja vandrednog stanja (pandemija i sl.).
- (2) Tokom izlaska učenici su obavezni ponašati se u skladu sa islamskim principima i izvršavati ibadetske obaveze;
- (3) Za vrijeme izlaska ne smiju ulaziti niti boraviti u lokalima u kojima se toči alkohol, nargila barovima, sportskim kladionicama i objektima u kojima se organiziraju kockarske ili igre na sreću;
- (4) Izuzetno od redovnog izlaska, odgajatelj može odobriti učeniku izlazak u grad u slučaju posjete roditelja ili bliže rodbine ili drugih opravdanih razloga;
- (5) Evidenciju izlazaka učenika vode odgajatelji;
- (6) Kršenje odredbi ovog člana može prijaviti svako domaće ili strano fizičko lice.

Član 26. (Vikendi)

- (1) Svi učenici imaju pravo i obavezu da obaveznim vikendom odlaze kućama;
- (2) Obavezni vikend, u pravilu pada svake druge sedmice i učenici su obavezni u petak poslije nastave napustiti internat, a vratiti se u nedjelju do 19:00 h;
- (3) Uz obavezni vikend učenici mogu koristiti i više vikenda u toku mjeseca;
- (4) Učenici sa područja općina Travnik, Vitez i Novi Travnik zbog blizine kuće obavezni su svaki vikend odlaziti kući.

Ukoliko postoje opravdani razlozi za boravak u internatu u danima neobaveznog vikenda Pedagoško vijeće može dati saglasnost za boravak istih.

- (5) Ukoliko učenik za vikend planira boraviti kod trećih lica, obavezan je prijaviti se odgajatelju, najkasnije do srijede uvečer uz naznaku imena i prezimena kod koga će boraviti, broja telefona, adrese te imati odobrenje roditelja.

X - IMOVINA

Član 27. (Školska imovina)

- (1) Učenici koriste imovinu škole u skladu sa njezinom namjenom;
(2) Učenici su obavezni koristiti imovinu pravilno i savjesno;
(3) Školski inventar se ne smije prenositi iz jedne prostorije u drugu bez odobrenja ovlaštene osobe;
(4) Svaku zloupotrebu i oštećenje školske imovine učenici su obavezni prijaviti dežurnom profesoru ili odgajatelju;
(5) Za namjerno oštećenje ili uništenje školske imovine ili imovine drugog učenika, učenici su odgovorni u skladu sa odredbama o materijalnoj i disciplinskoj odgovornosti učenika.

Član 28. (Imovina učenika)

- (1) Učenici su obavezni čuvati od otuđenja i oštećenja vlastitu ali i imovinu drugih učenika;
(2) Učenici ne smiju u školu donositi veće količine novca niti skupocjene mobitele, laptopе, nakit, satove i druge dragocjenosti;
(3) U slučaju nestanka ili oštećenja imovine učenik je obavezan obavijestiti razrednika ili odgajatelja.
(4) Pronađenu imovinu učenik je obavezan dostaviti odgajatelju;
(5) Škola nema obavezu nadoknade oštećene ili otuđene imovine učenika.

XI - MEĐUSOBNI ODNOSSI, ODNOSSI PREMA ZAPOSLENICIMA I GOSTIMA

Član 29. (Međusobni odnosi učenika)

- (1) Učenici su obavezni odnositi se prema drugim učenicima s poštovanjem i uvažavanjem, u skladu sa načelima islamskog ophođenja;
(2) Učenici starijih razreda svojim ponašanjem i radom trebaju biti uzor učenicima mlađih razreda te im, u skladu sa mogućnostima, pomagati;

- (3) Učenici ne smiju jedni druge psihički i fizički zlostavljati, omalovažavati, vrijeđati ili na drugi način iskorištavati niti diskriminirati jedni druge;
- (4) Učenici su obavezni prijaviti svaki oblik ponašanja, koji je u suprotnosti sa odredbama ovog člana dežurnom odgajatelju ili drugoj službenoj osobi.

Član 30.

(Odnos prema zaposlenicima i gostima)

- (1) Učenici su obavezni odnositi se prema zaposlenicima s poštovanjem i uvažavanjem, u skladu sa načelima islamskog ophođenja;
- (2) Učenici su obavezni selamom pozdravljati zaposlenike i goste;
- (3) Prilikom obraćanja profesoru obavezni su ga oslovljavati sa: „Profesore“ ili „profesor prezime“;
- (4) Učeniku koji se ponaša suprotno odredbama člana 29. i 30. Pravilnika izriče se odgovarajuća odgojno-disciplinska mjera propisana Pravilima medrese.

XII - POSEBNE ODREDBE O KUĆNOM REDU U INTERNATU

Član 31.

(Buđenje i povečerje)

- (1) Buđenje i povečerje učenika oglašava se školskim zvonom u skladu sa takvimom Islamske zajednice u Bosni i Hercegovini, odnosno rasporedom koji utvrđuje pomoćnik direktora za internat;
- (2) Nakon buđenja učenici su obavezni ustati, jednoobrazno namjestiti krevete i pripremiti se za sabah-namaz;
- (3) Nakon povečerja učenici su obavezni leći u krevete, ugasiti svjetla i osigurati mir u spavaonicici;
- (4) Zabranjena je zloupotreba mobitela i drugih el. uređaja koji ometaju povečerje;
- (5) Nadzor nad provođenjem odredaba ovog člana vrše dežurni odgajatelji.

Član 32.

(Spavaonica)

- (1) Učenici su obavezni brinuti se o redu i čistoći u spavaonicu u kojoj borave;
- (2) Odjeća i veš u ormarima moraju biti čisti i uredno složeni;
- (3) Zabranjeno je:
 - a) Ulaziti u tuđe spavaonice,
 - b) napuštati internat bez dozvole dežurnog odgajatelja,
 - c) unošenje, držanje i upotreba (pušenje) duhana i duhanskih prerađevina,
 - d) slušanje glasne muzike,
 - e) pranje, sušenje i vješanje odjeće i obuće po krevetima, ormarima, klupicama s vanjske strane prozora,

- f) lijepljenje postera ili fotografija po zidovima i inventaru,
 - g) unošenje zvučnika, kohera, kuhalja, grijalica i drugih uređaja koji mogu izazvati požar,
 - h) premještanje namještaja,
 - i) korištenje jednog kreveta od strane dva ili više učenika,
 - j) u vrijeme nastave odlaziti u svoje i sobe drugih učenika,
 - k) druge radnje koje ugrožavaju sigurnost i zdravstveno higijenske uvjete u internatu.
- (4) Odgajatelji/ce uz prisustvo učenika/ca mogu povremeno izvršiti uvid u personalne stvari radi provjere pridržavanja odredbi iz stava (3);
- (5) Učenicima i učenicama je u prostorije internata zabranjeno uvoditi treća lica;
- (6) Roditelji ne mogu voditi učenike iz internata bez odobrenja dežurnog odgajatelja i potpisivanje formulara-izjave za tu svrhu;
- (7) Za održavanje reda i čistoće u spavaonici odgovoran je sobni starješina.

Član 33.

(Ulazak u službene prostorije)

- (1) Učenicima je zabranjen ulazak i zadržavanje u portirnici, restoranu, kancelarijama i zbornici bez odobrenja ovlaštenog zaposlenika;
- (2) Učenicima je strogo zabranjeno uzimati, prepravljati podatke u svjedodžbi, diplomi ili dopisivati podatke u odjeljenjskim knjigama ili bilo kojoj pedagoškoj dokumentaciji ili evidenciji Medrese;
- (3) Učeniku koji ne postupi u skladu sa odredbom stava 1. i 2. ovog člana izreći će se odgovarajuća odgojno-disciplinska mjera.

Član 34.

(Vanjski učenici)

- (1) Vanjski učenici su obavezni, po završetku nastave, klanjati podne i džumu-namaz u džematu na holu Medrese zajedno sa učenicima koji borave u internatu;
- (2) Vanjskim učenicima i trećim licima je zabranjen ulazak u prostorije internata;
- (3) Vanjskim učenicima je zabranjen i ulazak u zgradu Škole, osim hola, u vremenu kad se ne realiziraju nastavne ili vannastavne aktivnosti utvrđene rasporedom ili po dozvoli dežurnog odgajatelja.

Član 35.

(Zabранa unošenja vatrenog i hladnog oružja, pirotehničkih i drugih opasnih stvari i tvari)

- (1) Učenicima je zabranjeno unošenje vatrenog i hladnog oružja, pirotehničkih i drugih opasnih stvari i tvari koje mogu ugroziti život i zdravlje ljudi;
- (2) Učeniku koji ne postupi u skladu sa odredbom iz stava (1) ovog člana izreći će se odgovarajuća odgojno-disciplinska mjera.

Član 36.
(Zabрана пушења)

- (1) Učenicima je забранено пушење, а нарочито у згради и дворишту Школе;
(2) Ученiku koji ne postupi u skladu sa odredbom stava 1. ovog člana izreći će se odgovarajuća odgojno-disciplinska mjera.

Član 37.
(Zabрана neprimjerenih printanih i elektronskih sadržaja)

- (1) Učenicima je забранено unošenje i korištenje neprimjerenih printanih i elektronskih sadržaja, kao i prijavljivanje na web stranice sa ovakvim i sličnim sadržajima;
(2) Učenicima je забранено kreiranje profila u elektronskim medijima na kojima bi se narušavao ugled Medrese, njenih uposlenika, učenika, roditelja učenika i drugih, kao i prijavljivanje na profile sa ovim sadržajima;
(3) Uченiku koji ne postupi u skladu sa odredbom stava 1. ovog člana izreći će se odgovarajuća odgojno-disciplinska mjera.

XIII - MATERIJALNA I DISCIPLINSKA ODGOVORNOST

Član 39.
(Disciplinska odgovornost)

- (1) Učenici su dužni da savjesno i marljivo izvršavaju radne obaveze i poštuju Kućni red Medrese;
(2) Za povredu Kućnog reda učenici odgovaraju disciplinski;
(3) Povrede discipline mogu biti teže i lakše.

Član 40.

Lakše povrede discipline su:

- a) pobjeći sa časa ili neopravданo zakasniti na nastavu i druge oblike odgojno-obrazovnog rada,
- b) neopravданo izostajanje sa nastave i drugih oblika odgojno-obrazovnog rada shodno članu 53. Pravila Elči Ibrahim-pašine medrese,
- c) samovoljno napuštanje nastave i drugih oblika odgojno obrazovnog rada, prije završetka rada,
- d) ometanje izvođenja nastave i drugih oblika odgojno-obrazovnog rada u svom i drugom odjeljenju,
- e) biti na nastavi bez uniforme,
- f) nošenje maskirne uniforme, tijesne, pocijepane, izlizane i ekstravagantne odjeće, kratke hlače, zavrнуте nogavice i čarape ispod članaka (stopalice), čarape prozirne i dekoltirane odjeće, duge i lakirane nokte,
- g) nošenje kačketa, zastave, šalova i odjeće sa obilježjima koja pripadaju nekoj ekstremnoj grupi,
- h) izbjijavanja glave ili šišanje načelavo bez opravdanog razloga i dozvole razrednika,

- i) ulazak u spavaonice drugih učenika bez odobrenja dežurnog odgajatelja,
- j) pranje, sušenje i vješanje odjeće i obuće po krevetima, ormarima, klupicama s vanjske strane prozora,
- k) ljepljenje postera ili fotografija po zidovima i inventaru,
- l) unošenje zvučnika, kohera, kuhala, grijalica i drugih uređaja koji mogu izazvati požar,
- m) premještanje namještaja,
- n) spavanje dvaju osoba na jednom krevetu ili zamjena kreveta,
- o) u vrijeme nastave ulaziti u svoju ili sobe drugih učenika bez dozvole dežurnog odgajatelja,
- p) neobavještavanje roditelja ili staratelja o rezultatima svog učenja i vladanja i neprenošenje poruka razrednika, odgajatelja, stručnih saradnika i ostalih nastavnika,
- q) neblagovremeno pravdanje izostanaka sa časova redovne nastave,
- r) unošenje, držanje i upotreba (pušenje) duhana i duhanskih prerađevina u zgradi i dvorištu Škole,
- s) oštećenje imovine Medrese, druge organizacije, učenika ili zaposlenog u Medresi,
- t) narušavanje estetskog izgleda Medrese i školskog dvorišta (bacanje otpadaka, uništavanje sadnica i zelenih površina, pisanje po zidovima, školskom namještaju, opremi i učilima i sl.),
- u) korištenje mobitela na nastavi, korepeticiji i poslije povečerja,
- v) druge povrede utvrđene normativima Škole.

Član 41.

Teže povrede discipline su:

- a) omalovažavanje islamskog učenja i blasfemija (psovanje svetinja, svetogrđe, bogohuljenje),
- b) neizvršavanje islamskih dužnosti,
- c) krađa,
- d) davanje ili upotreba alkohola i narkotičkih sredstava, kao i podsticanje na njihovu upotrebu,
- e) posjedovanje vatrengog ili hladnog oružja,
- f) bludne radnje,
- g) lažne dojave o podmetnutim eksplozivnim sredstvima u prostoru Medrese,
- h) kockanje,
- i) prepravka podataka u svjedodžbi, diplomi, odjeljenjskoj knjizi ili drugim javnim ispravama,
- j) prepravka ili dopisivanje podataka u evidenciji koju vodi Medresa,
- k) političko organiziranje ili djelovanje učenika u Medresi,
- l) nasilničko ponašanje i omalovažavanje učenika, nastavnika, ostalih radnika i saradnika Medrese,
- m) tuča i izazivanje tuče,
- n) laž, potvora, vrijeđanje i kleveta,

- o) napuštanje internata u noćnim satima bez dozvole dežurnog odgajatelja,
- p) neopravdano izostajanje s nastave i drugih oblika odgojno-obrazovnog rada u broju koji je propisan članom 53. Pravila Medrese,
- q) organizovano bježanja sa časa, (postupiti po članu 44. ovih pravila),
- r) organizacija ometanja nastave i drugih oblika odgojno-obrazovnog rada u svom i drugom odjeljenju (postupiti po članu 44. ovih pravila),
- s) zloupotreba mobilnog telefona ili drugih elektronskih uređaja i medija,
- t) namjerno oštećenje ili uništenje školske imovine, te imovine učenika ili zaposlenika Medrese,
- u) boravak u lokalima u kojima se toči alkohol, nargila barovoma, sportskim kladionicama i objektima u kojima se organiziraju kockarske ili igre na sreću,
- v) ponašanje koje odudara od obredoslovne i dogmatske prakse Hanefijskog mezheba, maturidijskog akaida i pozitivne prakse našeg podnevlja,
- w) ponavljanje tri i više puta lakših povreda discipline,
- x) nemoralno i drugo ponašanje za koje se utvrdi da šteti ugledu Medrese i Islamske zajednice u Bosni i Hercegovini.

Član 42.

Učenicima zbog njihovog neprimjerenog ponašanja mogu se izreći sljedeće odgojno - disciplinske mjere:

- a) Opomena;
- b) Potvrđivanje ranije izrečene odgojno-disciplinske mjere smanjenja vladanja;
- c) Ukor razrednika – povlači iz vladanja ocjenu vrlo dobar;
- d) Ukor Odjeljenjskog vijeća – povlači ocjenu dobar;
- e) Ukor direktora – povlači ocjenu zadovoljavajuće;
- f) Ukor Nastavničkog vijeća – povlači ocjenu loše;
- g) Premještaj u drugo odjeljenje;
- h) Loše vladanje i isključenje iz internata;
- i) Isključenje iz Škole.

Član 43.

- (1) Odgojno – disciplinska mjera ***Opomena*** izriče se za lakše povrede discipline gdje odgajatelj ili razrednik umjesto smanjenja vladanja predloži određene odgojne zadatke kao: dežurstvo, čišćenje ili neki drugi vid zadataka;
- (2) ***Potvrđivanje vladanja*** se može izreći učeniku koji već ima smanjeno vladanje uz obavezu davanja odgojno – radnih zadataka kao i kod opomene;

- (3) Odgojno-disciplinska mjera ***Ukor razrednika*** izriče se za lakše povrede discipline;
- (4) Odgojno-disciplinska mjera ***Ukor Odjelenjskog vijeća*** i ***Ukor direktora*** se izriče za učestalo ponavljanje lakših povreda i teže povrede discipline po procjeni i prijedlogu Pedagoškog vijeća;
- (5) ***Ukor Nastavničkog vijeća***, loše vladanje i ***isključenje iz internata*** ili ***isključenje iz Škole*** izriče Nastavničko vijeće, o čemu se donosi rješenje;
- (6) Učenik, odnosno njegov roditelj ili staratelj na odgojno – disciplinske mjere: ***Ukor Nastavničkog vijeća*** i ***Isključenje iz internata*** ili ***Isključenje iz škole***, mogu podnijeti žalbu Upravnom odboru Medrese u roku od 8 dana.

Član 44.

Za bježanje sa časa, opstrukcije nastave i nastavnih zadataka preuzimaju se slijedeće mjere:

- a) Neopravdan čas;
- b) Izricanje odgojno-disciplinske mjere;
- c) Informativni razgovor sa roditeljem.

Član 45.

- (1) Izrečena odgojno - disciplinska mjera povlači smanjenje ocjene vladanja učenika;
- (2) Izuzetak iz stava 1. su odgojne mjere opomena i potvrđivanje vladanja gdje se umjesto smanjenja vladanja daju odgojni zadaci;
- (3) Odgojno disciplinska mjera važi za školsku godinu za koju je izrečena, a u toku školske godine može se ublažavati ili ukinuti;
- (4) Odgojno disciplinska mjera se može ublažiti ili ukinuti najmanje mjesec dana nakon izricanja;
- (5) Izuzetak iz stava 4. su odgojne-disciplinske mjere izrečene za sukob vršnjaka ili vršnjačkog nasilja koje se mogu ublažiti ili ukinuti samo na kraju prvog ili drugog polugodišta.

Član 46.

- (1) Protiv učenika koji je napravio težu povredu discipline pokreće se disciplinski postupak;
- (2) Prijavu za pokretanje postupka iz prethodnog stava mogu podnijeti nastavnici, odgajatelji, kao i svi ostali uposlenici, učenici i direktor Medrese;
- (3) Disciplinski postupak pokreće direktor Medrese pismeno;
- (4) Disciplinski postupak se vodi u skladu sa Pravilima Medrese, Pravilnikom o pohvalama, nagradama i odgojno-disciplinskim mjerama i Poslovnika o radu Pedagoškog vijeća.

Član 47.

- (1) Odredbe o urednom vladanju obavezuju učenike Medrese i za vrijeme ramazana i ferijalne prakse, godišnjih ferija i drugih blagdana kada nema nastave i učenik je za njihove povrede odgovoran na isti način kao da je povredu učinio za vrijeme redovne nastave u Medresi;
- (2) Ublažavanje ili ukidanje disciplinske mjere na prijedlog Pedagoškog vijeća, vrši organ koji je izrekao mjeru.

Član 48.

(Materijalna odgovornost učenika)

- (1) Učenik, odnosno njegov roditelj ili staratelj odgovara za materijalnu štetu koju učenik nanese Medresi ili drugom učeniku, namjerno ili iz krajnje nepažnje, u skladu sa Zakonom;
- (2) Na osnovu podnijete prijave o prouzrokovanoj šteti ili na osnovu ličnog saznanja, direktor pokreće postupak za utvrđivanje štete i odgovornosti učenika za prouzrokovanu štetu;
- (3) Postojanje štete, visinu, okolnosti pod kojima je nastala, ko je štetu prouzrokovao i kako je nadoknađuje utvrđuje stalna komisija;
- (4) Komisija ima tri člana i to: pomoćnik direktora za internat, koji je ujedno i predsjednik Komisije, odgajatelj i razrednik učenika;
- (5) Komisija radi u punom sastavu;
- (6) Ako je štetu prouzrokovalo više učenika, utvrđuje se materijalna odgovornost svakog učenika posebno;
- (7) Ukoliko se ne može utvrditi udio svakog učenika u prouzrokovajući štete, smatra se da su svi učenici koji su prouzrokovali štetu namjerno ili iz krajnje nepažnje, podjednako odgovorni i štetu nadoknađuju u jednakim dijelovima;
- (8) Za štetu odgovara i učenik koji je pomagao ili podstrekavao u prouzrokovajući štete;
- (9) Visina štete utvrđuje se na osnovu cjenovnika i knjigovodstvene vrijednosti oštećene stvari, a ako to nije moguće, Komisija procjenjuje visinu štete uz pomoć stručnih lica;
- (10) Direktor donosi rješenje o materijalnoj odgovornosti učenika, visini štete i obavezi učenika, odnosno njegovog roditelja ili staratelja da štetu nadoknadi u određenom roku, a na osnovu prijedloga komisije iz stava 4. ovog člana;
- (11) Direktor može odlučiti da učenik, njegov roditelj ili staratelj bude djelimično ili u cijelini oslobođen naknade štete, u slučaju kada bi nadoknada dovela učenika i njegovu porodicu u tešku materijalnu situaciju (Rješenje iz stava 1. ovog člana mora da sadrži sve sastavne dijelove koje sadrži rješenje u upravnom postupku);
- (12) Učenik, njegov roditelj ili staratelj ima pravo da podnese žalbu Upravnem odboru na rješenje direktora o materijalnoj odgovornosti učenika, u roku od osam (8) dana od dana dostavljanja;
- (13) Upravni odbor je obavezan donijeti odluku u roku od petnaest (15) dana od dana prijema žalbe iz stava 13. ovog člana i isti poslati podnositelju u roku od osam (8) dana od dana donošenja;
- (14) Žalba odlaže izvršenje rješenja direktora.

Član 49.

(Nadzor nad provođenjem odredaba Pravilnika)

- (1) Za provođenje odredbi ovog Pravilnika odgovorni su svi učesnici u odgojno-obrazovnom procesu;
- (2) Nadzor nad provođenjem odredbi ovog Pravilnika vrši direktor preko pomoćnika direktora za nastavu i pomoćnika direktora za internat.

XIV - PRIJELAZNE I ZAVRŠNE ODREDBE

Član 50. (Prijelazne i završne odredbe)

- (1) Ovaj Pravilnik stupa na snagu danom donošenja na Upravnom/Školskom odboru;
- (2) Stupanje na snagu ovog Pravilnika prestaje da važi Pravilnik o kućnom redu u Elči Ibrahim-pašinoj medresi broj: 161-IP/07 od 31.08.2007. godine.
- (3) Tumačenje odredbi ovog Pravilnika je u nadležnosti Upravnog/Školskog odbora.

Broj:01-02-064/22
Travnik, 11.02.2022. godine

Predsjednik Upravnog/Školskog odbora
dr. Ahmed-ef. Adilović
